

嘉定府志

昆明志 247

76855

1-16

原序一

嘉定初名嘉州其改爲嘉定始於宋再見於元而定於我朝之雍正十二年

國初張觀察有嘉州志僅載下紙祇載樂山一區而餘不備府志之名未之前聞余自嘉慶二年丁巳之歲奉

命入川至今七歷寒暑時以蜀民作亂楚疆延及秦蜀來川者醜逆囂闖余帥師往平之變來已達之衝而嘉定則

未嘗一至且七年之間寒暑奔馳日以軍旅儲蓄爲事於山中風土之殊圖籍人之之雅雖馬轍所歷採覽未遑况

足跡所未至何暇及之竊亥七月羣凶盡翦敷奏蕩平乃嘉定府志

卷一 原序

再修武修文綜理庶事徵集時潤色到治教詠太平適

宋雲聖太守以新輯嘉定志書請作序余展而閱之志中九曰星野曰方輿曰藝文曰職役曰職官曰選舉曰官

職曰人物曰藝文流于府列于七縣計爲卷四十有八得三十餘萬言考據詳實志諸書參以歷代國史訪之

耆老遺蹟以斷制有其闕文犁然其然體例

不遺山川之勝物風土之殊宜簿領之前徵士夫之雅

志亦于焉一爲陶寫夫乃欲著述刪定

蜀中己未歲勦事川東軍需總局經理度支明練詳慎同人賴之辛酉補嘉定守爲政有聲退食之下乃畱意于疆域文物而成是書歐陽節度云青山綠水中爲二千石樵東坡詩云頗願身爲漢嘉守載酒時作凌雲遊若雲壑者可以無歎矣余雖不文幸值氛祲全消

昇平共賦願以書露布之餘瀋欣然振筆而序之

嘉慶八年歲次癸亥仲秋之月太子少保兵部尙書都察院右都御史四川總督權成都將軍一等威勤伯前太子太保經畧大臣一等威勤公長白勒保序

原序二

壬戌夏六月按試嘉郡郡太守予舊雨也於試畢之夕
以手繕郡志見示彼時釐定者十之七八而功未竣也
後亦僕僕道途未暇弁以言今夏由西甯返轍見姚觀察
之爲序甚詳而太守適遣以全帙予備覽之知太守誠不
負所學矣太守本江右名士丁未提南宮其敏文嗜古
見洽聞尤推重焉嗣以部郎來官於嘉嘉據省垣之東
水木清華登覽奇絕蜀中記所謂嘉州勝冠西州東坡但
願載酒時作凌雲游是也太守撫斯郡甘棠四境時率郡
之子弟而保師之頌比於龔黃如出一口惟是郡之甲於
嘉定府志

卷一 原序二

各邑也白星分地鎮以至草木蟲魚類多靈傑往往見於
雜說及才人學士之謳吟而歷無專志求之故府僅十數
紙耳亥豕魯魚而已太守於是仿李吉甫之作元和郡志
鼻祖其事旁徵博引更歷寒暑而成書蓋不啻一簣爲山
而百川灌海矣且夫郡縣之有紀載柱下之所資也予向
備員於

國史館周知宇內圖籍每以珥筆爲兢兢方今

聖天子章明軌物

命在廷大臣重輯我

朝會典是以下採方隅靡遺遐遠川省當輯弓脫劍之餘

揚厲

昇平修舉廢墜倍宜亟亟太守殆衰然稱首者也然稽古有素曷以克盡職守而宏此遠猷耶抑又聞之宋天聖時宋子京先生知成都府奉詔修刊唐書開簾燃燭和墨伸紙遠近望若神仙然則太守之勑是志也他日供輜軒之使備掌故之需固旣明且確亦賢使君功業文章後先媲美于千百年之久者當見家學淵源有以並垂不朽云予故于蓉城校士後遺太守書而并爲之序

嘉慶八年歲在癸亥九月上澣提督四川全省學政掌河南道監察御史

嘉定府志

卷一 原序二

二

國史館總纂前翰林院編修加三級仁和錢棫撰并書

原序三

歲癸亥余蒞蜀之四年時宋君雲墅知嘉定府事有美政公餘郵示所著嘉定府新志俾余爲序其作志之顛末余受讀之計四十有八卷共三十餘萬言可謂詳覈矣按府治於禹貢在梁州之域殷周因之秦始并蜀置郡縣屬蜀郡漢初別置犍爲郡爲南安資中二縣地齊後郡徙縣廢梁屬青州西魏置眉州後周改嘉州轄平羌沉犀諸郡隋置眉山郡唐宋復爲嘉州兼置榮州南宋時又以潛邸升嘉定府元爲嘉定路明初改嘉定州

國初循而不革至雍正十二年

嘉定府志

卷一 原序三

世宗憲皇帝以其地幅員廣闊復嘉定府蓋

國家休養生息民數繁滋俗日以隆而田日以闢有自來矣府領縣凡七附郭曰樂山西六十里曰峨眉自西而北六十里曰夾江又西北八十里曰洪雅府東南百二十里曰犍爲後周之沉犀郡也東一百八十里曰榮自東而北又七十里最遠於府曰威遠前臨大江扼夔敘之重阻却背玉壘爲成都之右臂環以羅葉青衣之水界以峨眉石牛之山沃野雲委溝塍綺錯生物滋殖士女清醇實巴蜀之間一都會也宋君之來治斯郡也教之以詩書課之以農桑削去繁苛與民靜謐恭遇

聖朝治昌明重熙累洽百有餘年之久故能家給人足
物訟衰息一郡之中數年之間民謳思謠詠其德弗之忘
雖復良太守之爲政實然抑亦際會

盛時之所爲也無以志之何由使夫後之君子博考土物
風俗山川形勢及夫歷代建置之沿革離合古今人文之
炳靈載英如此之昌且熾哉嘉定之有府志也自宋昌昌
明始近千年中繼其軌者絕尠雖間有作者如張玉甲之
嘉州志才數十紙尤多錯訛殘缺識者憾焉此宋君所以
感而有新志之作也余一再讀其書見夫土物風俗則得
諸退食之廣核山川形勢則得諸行縣之流覽歷代建置
嘉定府志

卷一 原序三

二

則得諸廿史之志表古今人文則得諸百家之傳記旁通
淹貫體大思精以著
皇朝之治德以勵此邦之士習以備史氏之典章其爲功
豈不鉅哉古者立德立功與立言並重宋君之治郡也既
大試所學以襄

聖天子平康之治而又出其緒餘精搜而遠紹之錄成斯
書以無愧宋世名賢之絕作斯亦不朽之大者矣抑宋君
之言曰吾之爲斯書也草創於壬戌之夏四月編成於今
年之春二月不敢設局以擾士民不敢畏難而循苟且竿
牘之暇面山臨水朱墨糾紛陳於几榻日課著書一卷闕

八月而始成定本然則卽此書也可以想見宋君之爲人
與其所以治郡者雖淮陽之卧治宣城之坐嘯何以加哉
蜀地山水甲天下而嘉定尤爲之冠礪峩眉而帶陽江青
山綠水中作二千石宋君不負此郡此郡亦豈有負宋君
哉宋君名鳴琦雲墅其字江西奉新人乾隆丁未名進士
也余與宋君以舊相識又同蒞斯土故樂斯書之成爲序
以告後之守斯郡者且以爲勗

嘉慶八年歲次癸亥孟秋上浣四川布政使司布政使梁
溪楊揆撰

原序四

自歲丁巳以來予領戎役於巴東西間當是時重臣大帥處宣漢居中調度故予時至焉己未秋雲壑太守奉朝命由副郎典郡入蜀以京餉故馳驛來宣漢予亦適至因獲締交歡如故也越明年太守檄權戎州又明年授嘉州去稍遠相見頗艱今年秋戎事解嚴重臣大帥以次凱旋予亦將歸省垣旅次得太守書以新纂嘉志來質於予發而讀之爲卷四十有八爲言三十餘萬有奇煌煌乎大文也夫太守以年少取巍科擅著作才若茲書者蓋亦退食之暇從容而爲之非有所難也抑太守之用心則固有嘉定府志卷一 原序四

一

深焉者矣今取其書而詳論之若名勝若建置則必反覆於前代沿革之由險夷之故若祠祀若賦役則必推原乎一代報答之微慈祥之旨水之利其興廢不可得而定也土之物其有無不可得泥也職其興廢詳其有無則切切然考之兵制之隆殺其分併不可以時拘也典籍之存亡其淳駁不可以言竟也較其隆殺核其存亡則又諄諄然論之際百餘年

重熙化洽之時蒐羅排比文經而獻緯之上以表揚郵治下以嘉惠蒼黎其用心爲何如哉抑吾重有感者郡舊無志微論唐宋以前僅存什一卽近代以來已十佚五

六矣今之志刺之于史于集于金石又考其宦蹟人物足以風世者別爲列傳宦蹟則政績之外并隸邊防人物則行誼之外尤詳列女列其所不能列傳其所不能傳凡若此者非以爲美觀飾也使官斯土者隸斯籍者人置茲編善者勉焉惡者警焉誰無天良敢不勸焉誰非子孫敢不勵焉勸與勵交深則士習端士習端則民風古下之無以爲父老辱上之無以爲

朝廷憂古大儒敦本探原之治其以此哉其以此哉太守以書質於予予固不能以不文辭然以戎馬倥偬言之而不能詳惟言夙昔之所以重太守與太守之所以爲是書嘉定府志

卷一 原序四

二

者以復之至其識力謹嚴體裁簡備則有全書在讀者自知亦勿煩予之贅述也

嘉慶八年歲次癸亥仲秋月中浣

誥授通議大夫四川等處提刑按察使司按察使兼管驛傳事軍功加十級貴陽劉清撰

原序五

嘉定居蜀之西南汶沫襟其前熊耳峙其後西控瓦屋
撫峨眉東接江陽北暨隆山光武所歎爲士大夫之郡
顧自漢孝武建郡鬻縣厥後升改靡常分合不一其紀載
則自宋呂昌明志旣不傳嗣此稍有採集迄無成書良可
歎也我

國家重熙累洽休養生息旣庶旣繁自雍正十二年復升
州爲府增學校廣教化聲名文物日新月盛蔚乎西蜀一
大都會矣其間山川人物之所鍾靈政事文章之所標著
以及一言一行之故一名一物之微考古証今微顯闡幽
嘉定府志

卷一 原序五

一

皆教化之大端而守土者之所宜講求也鄱陽馬氏有云
志者憲章之所繫非老於典故莫能爲是非才學識兼擅
其長將舉一廢百襲謬承訛軒輊失宜繁簡寡要皆所不
免况乎前無所承不假憑籍而網羅千載折衷一是者哉
歲辛酉豫章宋公來守嘉郡期年政修人和百廢具舉慨
嘉志之失所依據也謂郡志宜急修者有五毅然以作述
爲已任爲之起例以正義挈綱以統目聚類以分門上下
千古兼綜而條貫之於古則義無微而不析一字之疑必
求其安於今則事雖微而必錄一善之採必求其至閭八
月而歲事爲書三十餘萬言猗歟盛矣今而後採風之吏

考古之儒具有所徵而信矣今夫事有創有因乃有於例
爲因於時爲創者其任獨艱且鉅是役也以敘疆域而爲
嘉爲眉互有所隸以攷沿革而省志邑志舉不足憑以稽
人物而州志數十紙遺漏過半體類混淆識者苦之公乃
獨闢蠶鼓力承墜緒搜軼事於曩編訪舊聞於故老取材
旣富辨析復精故能溯流窮源詳審精密則信乎獨肩其
鉅而圖其艱者矣憶予自滇入蜀吏事所及始視犍爲總
權鹽權其間沂青江眺峩峩峯問王喬彭祖之遺墟訪白虎
寶鼎之殊蹟見夫江山秀麗民物殷繁未嘗不思考獻微
文以求一當而風塵鞅掌卒未之逮也乃今獲讀斯編竊
嘉定府志

卷一 原序五

二

歎取精用宏蔚爲鉅製殫一已之願力成一方之信史渾
乎淵乎有莫測其涯涘者豈僅先得我心已哉抑余於是
更有望焉都人士生際
盛朝食德飲和摩仁漸義百數十年於茲矣環顧郡中靈
秀所鍾微休具在今皆有以表揚而尊顯之爲邦家慶爲
典冊光屬在邇人宜何如自勵以期仁讓風行賢才日盛
仰副

聖天子化民成俗之至意兼體賢太守修廢舉墜之深心
使採風與考古者觀其俗覽其書而知爲全蜀西南增色
也夫事有所誘掖而愈動心有以觀感而益興是書旣成

不惟後之作者有所考鏡而風俗之蒸蒸日上實於是乎
在故樂爲之序

嘉慶八年歲次癸亥立秋前三日四川通省鹽茶分巡成
綿道雲間姚令儀譔并書

原序六

修志守土者事也圖籍具存孰文可攷踵而修之猶易事耳若置郡以來舊無專志其屬在鄉邑各抱殘編又復傳聞異詞體例乖舛求諸前賢所撰記錄但存名目其書皆不復可見於此欲旁搜遠引裒輯成書前事賴以折衷後人資爲攷據此其事甚難功甚鉅非兼才識學三長者弗克爲爲之亦未克盡善也漢嘉古稱士大夫郡江右宋公雲鑒來守於茲有惠政公餘徵閱郡屬志乘除健爲志外各寥寥數十紙半出於傳寫脫落不完錯譌迭見不唯唐宋以前事蹟失攷卽近今風土人民政治一切亦無由綜覈公心惻焉且慮後此愈久而愈難稽也遂毅然以專志自任予恭膺

嘉定府志

卷一 原序六

簡命監察川南今年春勾當馬邊番糞事路出漢嘉公纂新志適成屬爲之敘時兼程前進諾而未暇也四閱月番夷來格邊務報歲於是復過漢嘉公延予於凌雲山升高以望大峩三水周覽莫畢昔歐陽節度謂青山綠水中爲二千石不其然乎越宿旋上南治取道峽江洪雅秋稼新登歲穰而民氣樂焉篋簞中閱新志凡例並所自序始悉公之纂輯若斯之難也大要有二其求協於古者遵

大清一統兼采歷代史地理州郡志省志諸書參辨異同

訂正二百餘條又搜取唐宋詩文及歷代金石之作其求協於今者徵諸案牘詢于耆庶揆之傳言以期詳備蒼華古今裁定體例爲卷四十有八公於是役可謂勞矣且嘉自後周設郡嗣爲州爲路沿革不一宋呂昌明明陳嘉言嘗有志其全書均失傳竊憶時殊制異或一郡而數分之一縣而數隸之其幅幘之廣人民之庶斷未有盛如今日者我

國家

重熙累洽承平百餘年矣嘉自雍正十二年升爲府尙無專志前之守於斯者豈政有所不暇而志未逮歟抑以圖

嘉定府志

卷一 原序六

二

籍無存藝文鮮據事甚難功甚鉅必待其人故遲之又久以至今日歟志旣成一方之山川風俗宦蹟職官選舉釐然具備且郡屬士女之忠義節孝久湮於里閭者咸賴以闡揚而後之續修者亦得按此爲攷証公之功爲何如乎予往返於漢嘉郡縣沃野桑麻男耕婦織政清訟簡士女民淳顧而樂之而又快覩是書之成因爲郡士大夫賀其得賢太守也是爲序

旨

嘉慶八年歲在昭陽大淵獻孟秋旣望敍於平羌官署
誥授中憲大夫

欽命四川分巡上南建昌兵備道前知甯遠府夔州府事
鹽督夔渝關務加五級紀錄十次淮南方積撰

原序七

憶乾隆中予官楚北 梅生宋太守以名進士官儀部因
假歸薄游江漢訂交於郢中官署當是時傾蓋論心連茵
談藝自謂漢上題襟未之或過會太守旣赴都予亦旋膺
戎檄馳驅辰湘以南停雲之思時縈心目嘉慶初年太守
與予各以副郎先後來川太守會稽轉運册於宣漢庚申
夏因公來會垣始相晤於錦里新岑舊雨其樂有加後各
以檄權州軍事予往夔巫太守之戎旻或在巴東或在蜀
南會面稍慳旣而太守又以

簡命補嘉予亦改權塗山再賦從軍則不獨小集爲艱而
僕僕勞人郵筒亦逾時始達迴念郢中錦里之游何可得
哉前年軍役底定予以

朝議奉

命觀察建昌竊喜相聚有期且嘉雅帶水太守亦甚喜過
從之邇也然之官後卽以鶴州野獠連年不靖歲除渡瀘
冰霜風雪之區于役經時不獲辛盤甲讌略敘往情而太
守則候緘時達嘉飾頻仍并示以歲所撰郡志一書古誼
今情未之能答去春騫夷旣平振旅言還燕寢稍暇始一
發讀所寄郡志於文獻罕徵中雲結蜃編詳二三十餘萬
言援據之富辨證之詳洵稱千古大觀而山川之奇麗風